

吐利

萬瘡疹吐利常候也經曰諸嘔吐暴注皆屬於熱蓋
三焦爲水穀傳化之道路熱火內迫則傳化失常而
吐利併作火性燥動迅歛故也邪在上焦但吐而不
利邪在下焦但利而不吐邪在中焦則上吐下利又
裏氣上逆而不下則吐氣下而不上則利瘡疹初發
熱時有吐利者不可驟止令邪氣上下得出也吐利
久不止方可治之更宜消息 薛痘疹方云痘疹吐
瀉蓋因脾胃不和飲食不調煩渴嘔吐泄瀉並用白
朮散 然瘡疹皆賴脾土脾土實則易出易靨萬物

得土氣溫煖而生吐瀉則傷脾土遂有更變之證夏

月中暑煩渴瀉或腹痛或欠筋用五苓散驚加藿香

傷食吐瀉用小異功散吐瀉手足竝冷者用益黃散

脾荳蔻丸泄利頂陷灰白用木香散渴瘡正出而吐

瀉者或見血者俱爲逆證難治竊謂前證雖因脾胃

不和然邪實上焦則宜吐邪實下焦則宜瀉如吐瀉

變腐吞酸皆宜宣發但微甚不同耳張翼之云若痘

疹吐瀉少食爲裏虛陷伏倒靨灰白爲表虛二者俱

見爲表裏俱虛合用十二味異功散救之見形甚至

薑附靈砂亦可用若止裏虛去官桂止表虛減肉豆

寇若能食便秘倒靨爲裏實而補當用錢氏及丹溪
法下之皆爲能食爲裏實裏實而補則結癰毒紅活
綻凸爲表實表實而補則潰爛不結痂凡痘見癰便
忘葛根湯恐發表虛也如有更變當隨證治之
吐瀉有冷熱二證吐而不渴瀉而手足冷面色青白
此冷證也益黃脾理中輩主之或四君子加木香豆
蔻亦妙既吐且渴雖瀉而手足心熱面赤居處喜冷
此熱證也五苓散驚竹葉石膏湯痘渴加橘皮等主
之大吐而身熱煩渴腹滿而喘大小便澀面赤悶亂
錢氏云此當利小便不瘥者宣風散痘發熱下之百問

痘癰

卷五

方用香蘇飲吐加半夏茯苓白芍瀉加白朮茯苓煩躁嘔吐渴瀉者亦熱也白朮散渴最當紫草木香湯亦可

理中湯

人參

白朮

乾薑

白茯苓

甘草節

各等分

右咬咀用水一盞煎伍分不拘時服如惡寒加附子名附子理中湯每貼二錢半

香蘇飲 治小兒痘疹作瀉

香附子

陳皮

紫蘇

川芎

甘草

白芷 各等分

右剉散每服三錢生薑葱白煎或白水煎瀉加白
朮茯苓嘔加茯苓白芍藥

紫草木香湯 治痘出不快大便泄利

紫草

木香

茯苓

白朮

各等分

甘草

減半

一方無甘草

右剉散入糯米百粒水煎服每貼三錢紫草能利

大便白朮木香佐之 脾氣虛者加人參

人參胃愛散 治痘瘡已發未發吐瀉不止不思飲

食或吐逆等證

人參

藿香

紫蘇

甘草

炒

丁香

茯苓

木瓜

各等分

糯米

右每服三錢薑棗水煎

初發熱自利而吐者黃芩加半夏湯主之 更詳審

吐利所出之物如吐酸水者利色黃或青綠者其氣

臭者皆熱也若吐清痰之水利下清白不臭未可作

熱治之乃內虛也四君子湯加訶子肉及益黃散

脾

一云痘欲出未出而吐利者是中焦停寒或挾宿

食也四君子湯加砂仁橘紅或中和散有宿食者用

紫霜丸 痢

發熱時吐瀉不止身熱口渴者四苓散

加黃連淡竹葉煎服

五苓去桂是也

黃芩加半夏湯

黃芩

壹錢半

甘草

炙壹錢

白芍藥

酒拌曬九次叁錢

半夏

湯泡七次貳錢

生薑

壹錢

大棗

貳枚

右剉細水一盞煎七分溫服

渴去半夏加枇杷

葉去毛炙貳錢蘆根茅根各叁錢

中和散

治中焦停寒或夾宿食

厚朴

壹錢

白朮

捌分

乾薑

肆分

甘草

叁分

右剉細作一服加生薑一片水煎稍熱服

起脹灌膿時吐利竝作宜急治之胃寒者益黃散理中湯胃熱者黃芩半夏湯調四苓散

曆後吐瀉亦分冷熱冷者亦宜益黃理中輩熱者四

苓散竹葉石膏湯痘渴加橘皮或竹茹湯亦可

竹茹湯

橘紅

半夏

白茯苓

黃連

薑炒各壹錢

甘草

伍分

竹茹

壹團

葛根

壹錢伍分

右水一鍾生薑三片煎五分不拘時溫服分二貼

和中湯 虛吐不止自鍾胃止則湯加入參

人參

茯苓

甘草

各伍分

白朮

半夏

各捌分

陳皮

藿香

砂仁

各壹錢

右用生薑水煎服

藿香正氣散

治初熱乾嘔

藿香

紫蘇

大腹皮

陳皮

桔梗

甘草

茯苓

半夏

厚朴

白芷

右薑棗煎服

凡瘡痘已經大吐大瀉之後上下俱脫卽當用大補之劑縱有他證皆以虛論庸醫每不顧人元氣用藥剋削而致夭枉者滔滔皆是可恨也

吐逆

胃爲水穀之海上通乎咽內而不出如初發熱有吐
逆之證此火邪犯胃其氣上逆治之則易若自出現
以至收靨有是證者乃瘡集於咽門攻於胃脘吞嚥
不利治之則難由於不知預解咽喉之法漸變爲失
音嗆水而不可救矣 初虞世云痘瘡吐逆無痰益
黃散 脾有痰二陳湯 大利或飲或橘皮半夏湯不止者加
丁香 胃寒者宜之胃熱宜加若吐而瀉者亦宜益黃
散及陳氏木香散異功散吐而身熱煩渴腹滿喘大
小便澀面赤者當利小便不瘥者宜風散下之 痘發熱

薛前證若手足並冷渴飲熱湯或腹作痛中氣虛寒也宜用益黃散手足不冷吐逆痰涎中氣虛弱也宜用橘皮半夏湯手足並熱熱毒壅滯也宜用導赤散口乾飲乳不徹胃經氣熱也宜用竹茹湯吐逆不乳或吐乳酸穢此脾氣虛而乳食停滯也宜枳朮丸如初發熱暴吐不止此火氣上逆也茱連散主之

茱連散

黃連

半兩

吳茱萸

貳錢

右二味同炒研細末每服半錢生薑湯調服

皮湯

橘皮半留白半去白炒貳錢

半夏壹錢

白茯苓壹錢半

右剉細加生薑五分水一盞煎七分去渣溫服

橘皮湯 治嘔吐不止飲食不入

陳皮

生薑各壹錢

人參伍分

右水煎作三四次服之

橘皮半夏湯

橘皮

半夏等分

右每服三錢薑棗水煎

如因飲水過多而嘔吐者此水逆也五苓散主之

如因傷食而嘔吐者以丁香脾積丸微利之

如無上證而嘔噦者人以胃氣爲本胃者土也土敗則木來侮之今木挾相火之勢上乘乎胃其氣自臍下直犯清道上出於賁門胃上口也微則乾嘔甚則噦土敗之象也太素曰絃絕者其聲嘶敗木陳者其葉落病深者其聲噦短鍼無取毒藥無攻謂不治也

附方

丁香煮散 治脾胃虛冷嘔吐不食

丁香

火不見

紅豆

甘草

乾薑

青皮

川烏

去皮

陳皮

良薑

胡椒

益智各等分

右剉散每服三錢用水一盞生薑三片煎六分加

鹽一捏不拘時服

加味鼠粘子散 治咽中有瘡作嘔

桔梗 射干 山豆根

防風 乾葛 陳皮

荊芥 連翹

水煎細細呷之

燈心竹葉湯 治乾嘔

竹葉參拾片 燈心參拾根

立奪吐逆 勿計五 百三

水煎服

祕方治嘔吐并吐瀉不止水穀不納者速効

用多年竈心赤色土爲細末每服二錢米飲調下

小兒只一錢

瀉利

凡瘡未出而利者邪氣併於裏腸胃熱甚而傳化失常也黃芩湯主之如自利清白色者爲裏寒理中湯主之

黃芩湯

黃芩 壹錢半

甘草 炙壹錢

白芍藥 陸錢

右剉細加大棗二枚水一盞煎七分溫服食前

瘡已出而利者邪氣併於表正氣方逐邪氣主乎表而不主裏則裏氣虛不能停納水穀故亦自利也宜

從氣虛而治

九味理中湯倍人參加黃耆白芍藥